

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԻՋԵՎԱՆԻ ՄԱՍՆԱՃՅՈՒՂԻ ԳԻՏԱԿԱՆ
ԽՈՐՀՐԴԻ

ՈՐՈՇՈՒՄ N 66/6

29-ը ապրիլի 2023 թվականի

ԵՊՀ ԻՄ-ում լրացուցիչ կրթական ծրագրերի և դասընթացների իրականացման կարգը
հաստատելու մասին

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 21-րդ կետի 4-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի կանոնակարգի 4-րդ կետի 4-րդ ենթակետով, «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղում լրացուցիչ կրթական ծրագրերի և դասընթացների իրականացման կարգը՝ համաձայն հավելվածի:
2. Սույն որոշումն ուժի մեջ է մտնում հրապարակման պահից:

ԵՊՀ ԻՄ ԳԻՏԱԿԱՆ ԽՈՐՀՐԴԻ ՆԱԽԱԳԱՀ _____ Ա. Հ. ՄԱԿԱՐՅԱՆ

ԿԱՐԳ

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻՋԵՎԱՆԻ ՄԱՍՆԱՃՅՈՒՂՈՒՄ
ԼՐԱՑՈՒՑԻՉ ԿՐԹԱԿԱՆ ԾՐԱԳՐԵՐԻ և ԴԱՍԸՆԹԱՑՆԵՐԻ ԻՐԱԿԱՆԱՑՄԱՆ**

I. ԸՆԴՀԱՆՈՒՐ ԴՐՈՒՅԹՆԵՐ

1. «Երևանի պետական համալսարան» հիմնադրամի Իջևանի մասնաճյուղում լրացուցիչ կրթական ծրագրերի և դասընթացների իրականացման» կարգը (այսուհետև՝ Կարգը) սահմանում է լրացուցիչ կրթական ծրագրերի կազմակերպման և իրականացման, ուսուցման արդյունքների գնահատման և ճանաչման ընթացակարգը:
2. Կարգը մշակվել է «Լրացուցիչ կրթական ծրագրերի կազմակերպման և իրականացման» և «Ոչ ֆորմալ և ինֆորմալ ուսուցման արդյունքների գնահատման և ճանաչման» կարգերի (ՀՀ կառավարության 10 սեպտեմբերի 2015 թվականի N 1062-Ն Որոշում), ԵՊՀ և ԵՊՀ ԻՄ կանոնադրությունների հիման վրա:
3. «Երևանի պետական համալսարան» հիմնադրամի Իջևանի մասնաճյուղի (այսուհետև՝ ԵՊՀ ԻՄ կամ Մասնաճյուղ) կողմից լրացուցիչ կրթական ծրագրեր իրականացնելու նպատակն է հասարակության լայն խավերին հնարավորություն տալ ձևավորելու, կատարելագործելու, արդիականացնելու և լրացնելու մինչ այդ ձեռք բերած (նախընթաց) իրենց գիտելիքները, կարողություններն ու հմտությունները:
4. Մասնաճյուղը կարող է իրականացնել լրացուցիչ կրթական ծրագրեր և դասընթացներ կրթության պետական կառավարման լիազորված մարմնի սահմանած կարգով գրանցվելով ուսուցման ազգային ռեեստրում¹, իսկ հավատարմագրված

¹ Ուսուցման ազգային ռեեստր - լրացուցիչ կրթության ծրագրեր իրականացնողների և մասնակիցների ազգային շտեմարան, տես ՀՀ օրենքը «ՀՀ կրթության մասին» օրենքում լրացումներ և փոփոխություններ կատարելու մասին» ընդունված 04.05.2022թ., <http://www.arlis.am/DocumentView.aspx?DocID=163051>

մասնագիտությունների շրջանակներում Մասնաճյուղը կարող է ուսուցման ազգային ռեեստրում գրանցվել առանց նախապայմանների:

5. Լրացուցիչ կրթական ծրագրերը և դասընթացները Մասնաճյուղում կազմակերպվում են վերապատրաստումների, խմբային և անհատական մասնագիտական ուսուցման ու կարճաժամկետ ուսուցման դասընթացների միջոցով, որոնց ուսումնառության արդյունքները գնահատվելու և ճանաչվելու են Հայաստանի Հանրապետության օրենսդրությամբ սահմանված կարգով²:
6. Լրացուցիչ կրթական ծրագրով ուսուցումը (այսուհետև՝ Ուսուցում) չի հանգեցնում որակավորման աստիճանի շնորհման և ուսումնառության արդյունքների պաշտոնական ճանաչման՝ բացառությամբ ՀՀ օրենսդրությամբ սահմանված դեպքերի:
7. Լրացուցիչ կրթական ծրագրին կամ դասընթացին մասնակցելու իրավունք ունի յուրաքանչյուր ոք, եթե բավարարում է տվյալ ծրագրի/դասընթացի մուտքային պահանջներին³:
8. Լրացուցիչ կրթության իրականացման առավելագույն տևողությունը մինչև 5 ամիս է:
9. Լրացուցիչ կրթության կազմակերպման մասնակիցներն են՝ Մասնաճյուղը, կրթական ծառայություններ մատուցողները, լրացուցիչ կրթություն ստացողները:
10. Լրացուցիչ կրթական ծրագիրը/դասընթացը իրականացվում է երկկողմ համաձայնությամբ՝ Մասնաճյուղի և կազմակերպության կամ անհատի միջև երկու հավասարազոր օրինակից կնքվող պայմանագրի հիման վրա, որի օրինակելի ձևը հաստատում է կրթության պետական կառավարման լիազորված մարմինը⁴:

² ՀՀ կառավարության որոշում, 10.09.2015 N1062-Ն, Լրացուցիչ կրթական ծրագրերի կազմակերպման և իրականացման կարգը, ինչպես նաև ոչ ֆորմալ և ինֆորմալ ուսուցման արդյունքների գնահատման և ճանաչման կարգը սահմանելու մասին

³ Պահանջները սահմանվում են Մասնաճյուղի կողմից՝ յուրաքանչյուր լրացուցիչ կրթական ծրագրի համար ՀՀ կրթության մասին օրենքի պահանջներին համապատասխան:

⁴ Լրացուցիչ կրթական ծրագրերի կազմակերպման և իրականացման գործընթացը կազմակերպում և համակարգում է կրթության պետական կառավարման լիազորված մարմնի սահմանած կարգով ընտրված կազմակերպությունը:

11. Վճարովի լրացուցիչ կրթության իրականացումից հետո պատվիրատուին տրվում է Մասնաճյուղի կողմից հաստատված և կնքված՝ մասնագիտական որակավորում չպարունակող փաստաթուղթ:

II. ՈՒՍՈՒՑՄԱՆ ԿԱԶՄԱԿԵՐՊՈՒՄԸ ԵՎ ԻՐԱԿԱՆԱՑՈՒՄԸ

12. Լրացուցիչ կրթությունը կազմակերպելու նպատակով Մասնաճյուղն իրականացնում է.
- 1) պատվիրատուի և (կամ) մասնակցի կարիքի գնահատում, պատվերի հստակեցում,
 - 2) իրականացնող կազմակերպության (և/կամ անհատի) ընտրություն,
 - 3) լրացուցիչ կրթական ծրագրի, կամ դասընթացի ծրագրի փորձաքննություն,
 - 4) մշտադիտարկում:
13. Պատվիրատուի և (կամ) անհատի կարիքը գնահատվում է՝ համաձայն Մասնաճյուղի հաստատած կարիքի գնահատման հարցաշարի (Հավելված 1):
14. Լրացուցիչ կրթական ծրագիրը (դասընթացի ծրագիրը) կազմվում է՝ հիմք ընդունելով պատվիրատուի կարիքի գնահատման և մասնակցի ինքնագնահատման արդյունքների վերլուծությունը:
15. Լրացուցիչ կրթական ծրագիր (դասընթաց) իրականացնելու պատվերի մասին տեղեկատվությունը (հայտարարությունը) Մասնաճյուղը տեղադրում է ուսուցման ազգային ռեեստրում և իր պաշտոնական կայքում, որին կից ներկայացնում է լրացուցիչ կրթությունն ապահովող ծրագիրը՝ Մասնաճյուղի տրամադրած մասնագիտական եզրակացության հիման վրա կրթության պետական կառավարման լիազորված մարմնի կողմից տրված երաշխավորությամբ⁵:
16. Մասնաճյուղը յուրաքանչյուր պատվիրատուի հետ կնքում է պայմանագիր, որին կցվում են.

⁵ Ներկայացված կազմից պատվիրատուն կարող է ընտրել առավել նպատակահարմար ուսուցման ծրագիրը:

- 1) կրթական ծրագիրը (դասընթացի ծրագիրը),
 - 2) ունկնդրի համար լրացուցիչ կրթության իրականացման տևողությունը, ժամկետը և ժամանակացույցը,
 - 3) ծրագրի (դասընթացի) վկայականի ճանաչման վերաբերյալ դրույթներ,
 - 4) Հայաստանի Հանրապետության օրենսդրությամբ ծառայությունների մատուցման մասին պայմանագրերի նկատմամբ սահմանված պահանջներին համապատասխան այլ դրույթներ:
14. Մասնաճյուղն ուսուցումն իրականացնում է օրենքով սահմանված ուսուցման ձևերով, մեթոդով (մեթոդներով) և ռեսուրսներով (նյութատեխնիկական միջոցներով):
15. Ուսուցումը կազմակերպվում է հետևյալ փուլերով.
- 1) լրացուցիչ կրթական ծրագրի (դասընթացի) և ուսումնամեթոդական փաթեթի մշակում,
 - 2) ծրագրի (դասընթացի) իրականացում,
 - 3) ուսումնառության արդյունքների գնահատում:
16. Ուսուցման ծրագիրը ներառում է առնվազն հետևյալ տվյալները՝
- 1) ծրագրի (դասընթացի) նպատակը,
 - 2) ուսուցման նվազագույն տևողությունը՝ ժամերով,
 - 3) ուսումնառության անկնալվող արդյունքները՝ գիտելիքները, կարողությունները և հմտությունները,
 - 4) դասավանդման կիրառվելիք միջոցները, մեթոդաբանությունն ու ռեսուրսները՝ ըստ մոդուլների, ուսումնառության արդյունքների և (կամ) թեմաների,
 - 5) յուրաքանչյուր ուսումնառության արդյունքի և կատարման չափանիշի գնահատման մեթոդները:

III. ՈՒՍՈՒՑՄԱՆ ԱՐԴՅՈՒՆՔՆԵՐԻ ԳՆԱՀԱՏՈՒՄԸ ԵՎ ՃԱՆԱԶՈՒՄԸ

17. Լրացուցիչ կրթության իրականացման համար Մասնաճյուղը պարտավոր է.

- 1) ուսուցման ծրագրով սահմանված ժամկետում և ընտրված գործիքների կիրառմամբ կազմակերպելու ուսումնառության գործընթացը,
 - 2) ունկնդրի համար ապահովելու ծրագրով (դասընթացով) սահմանված ուսումնառության վերջնարդյունքները,
 - 3) անցկացնելու ունկնդրի ընթացիկ գնահատում և արձանագրելու ունկնդրի կողմից ուսումնառության արդյունքներն ապահովելու հիմքերը:
18. Ունկնդրի կողմից լրացուցիչ կրթական ծրագիրը (դասընթացը) համարվում է հաղթահարած, եթե ունկնդիրը ձեռք է բերել կրթական ծրագրում (դասընթացում) նախանշված ուսումնառության վերջնարդյունքները, որի մասին ամրագրված են համապատասխան հիմքերը:
19. Ուսումնառության արդյունքների վերաբերյալ հիմքեր են հանդիսանում ուսուցում իրականացրած յուրաքանչյուր կազմակերպության կամ անհատի կողմից դասընթացի մասնակիցների վերաբերյալ ըստ ձև 3-ի Մասնաճյուղին տրամադրված տվյալները (Հավելված 4):
20. Լրացուցիչ կրթությունը հաջողությամբ ավարտած ունկնդրին շնորհվում է լրացուցիչ կրթական ծրագրի (դասընթացի) ավարտի վերաբերյալ համապատասխան վկայական⁶ համաձայն ձև 1-ի (Հավելված 2) և դրա ներդիրը⁷ համաձայն ձև 2-ի (Հավելված 3), որոնք ներառում են ունկնդրի ձեռք բերած ուսումնառության արդյունքների և ժամաքանակի մասին տվյալներ: Վկայականի ներդիրը համարվում է վկայականի անբաժանելի մասը և առանց վկայականի վավեր չէ:
21. Վկայականը և ներդիրը վավերացվում են ԵՊՀ ԻՄ-ի տնօրենի ստորագրությամբ և կնիքով:

IV. ԿԱՐԳԻ ՀԱՍՏԱՏՈՒՄԸ ԵՎ ՓՈՓՈԽՈՒԹՅՈՒՆԸ

22. Սույն կարգը հաստատվում է ԵՊՀ ԻՄ-ի գիտական խորհրդի որոշմամբ:

⁶ Լրացուցիչ ուսումնառության վկայականի, վկայականի հավելվածի կամ հավաստագրի ձևերը, ինչպես նաև դրանց պատվիրման, բաշխման, լրացման, հաշվառման և պահպանման կարգը սահմանում է կրթության պետական կառավարման լիազորված մարմինը:

⁷ Վկայականի, վկայականի ներդիրների նմուշները Մասնաճյուղը գրանցում է ուսուցման ազգային ռեեստրում:

23. Փոփոխություններ և լրացումներ սույն կարգի մեջ մտցվում են.

1) ԵՊՀ ԻՄ-ի տնօրենի,

2) Գիտական խորհրդի անդամների,

3) Գիտական խորհրդին կից որակի կառավարման մշտական հանձնաժողովի
առաջարկությամբ:

Հավելված 1

Պատվիրատուի և (կամ) անհատի կարիքի գնահատման

ՀԱՐՑԱԹԵՐԹ

Հարցաթերթը կազմվում է անհատական և ըստ ընտրված լրացուցիչ կրթական ծրագրի (դասընթացի) դեպքում ընդգրկելու է անհրաժեշտ գիտելիքների, կարողությունների և հմտությունների ձեռք բերմանն ու առնվազն հետևյալ կարիքների գնահատմանն ուղղված հարցեր.

- 1) որոշակի որակավորում կամ զբաղմունք ունեցող անձի դեպքում՝ տվյալ որակավորման չափորոշչով կամ զբաղմունքի նկարագրով սահմանված պայմանների փոփոխությունից (ավելացումից) բխող կարիքներ,
- 2) անձի կողմից ավելի բարդ գործունեություն (զբաղմունք) իրականացնելու համար անհրաժեշտ կարիքներ,
- 3) որոշակի զբաղմունք իրականացնելու կամ դրա շրջանակներում՝ որոշակի աշխատանքային խնդիրներ լուծելու համար անհրաժեշտ կարիքներ,
- 4) պետության և հասարակության շահերից բխող խնդիրների համար ձեռք բերվող ոչ մասնագիտական (օրինակ՝ քաղաքացիական, մշակութային, մարզական, ռազմական, հայրենասիրական և այլ) կարիքներ,
- 5) անձնական կրթական պահանջումների բավարարմանը միտված կարիքներ:

Հավելված 2

Լրացուցիչ կրթական ծրագրի (դասընթացի) ավարտին ունկնդրին տրվող վկայականի ձևը **(Ձև 1)**



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ
ԻՋԵՎԱՆԻ ՄԱՍՆԱՃՅՈՒՂ

ՎԿԱՅԱԿԱՆ _____

Տրված է _____

(ունկնդրի անունը, (հայրանունը), ազգանունը)

(անհատական կոդ՝ _____)

առ այն, որ նա _____ թ. _____ -ից _____ թ. _____ -ը

մասնակցել է լրացուցիչ ուսումնառության՝ _____ ժամ ընդհանուր տևողությամբ

_____ *(ծրագրի կամ դասընթացի կոդը)*

_____ *(ծրագրի կամ դասընթացի անվանումը)*

_____ կրթական ծրագրին
(դասընթացին) և ձեռք է բերել ներդիրում նշված ուսումնառության արդյունքները:

ԵՊՀ ԻՄ տնօրեն _____

(Ազգանուն, անուն, հայրանուն)

(ստորագրություն)

_____ թ. _____
(վկայականի դուրսգրման ամսաթիվը) (վայրը)

Գրանցման N _____

Հավելված 3

Լրացուցիչ կրթական ծրագրի (դասընթացի) ավարտին ունկնդրին տրվող վկայականի ներդիրի ձևը (Ձև 2)

ՆՎԱՃԱԾ ՈՒՍՈՒՄՆԱՌՈՒԹՅԱՆ ԱՐԴՅՈՒՆՔՆԵՐԸ

Հ/հ	Ուսումնառության արդյունքը	Ծախսված ժամանակը՝ ժամերով
1.		
2.		
20.		

Հավելված 4

Լրացուցիչ կրթական ծրագրի (դասընթացի) ավարտին ունկնդրի մասին դասընթացն իրականացնող կազմակերպության կամ անհատի կողմից տրվող տվյալների ձևաչափը (Ձև 3)

**Ունկնդրի (ների) ուսումնառության արդյունքների գրանցման
ՏԵՂԵԿԱԳԻՐ**

Լրացուցիչ կրթական ծրագրի անունը՝ _____

Դասընթացի անունը՝ _____

Դասընթացի տևողությունը՝ _____ ժամ

Ժամկետը՝ _____ թ. _____ -ից _____ թ. _____ -ը

Դասընթացն իրականացնող կազմակերպության անունը _____

Դասընթացն իրականացնող անհատի ազգանունը, անունը, հայրանունը _____

Դասընթացի մասնակցի (մասնակիցների) տվյալները և ձեռք բերած ուսումնառության արդյունքները.

Հ/ h	Ազգանուն, անուն, հայրանուն	անհատա- կան կոդ	ծննդյան ամսաթիվ	սեռ	քաղաքա- ցիություն	Ուսումնա- ռության արդյունք
1.						
2.						

Դասընթացավար՝ _____

(Ազգանուն, անուն, հայրանուն)

(ստորագրություն)

" ____ " _____ 202__ թ.